

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-04262-2018
Gračanica, 27.12.2018. godine

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH" broj: 49/06 i 59/09), člana 16. Statuta općine Gračanica ("Sl. Glasnik općine Gračanica", broj 04/09 i 11/18), i člana 144a Poslovnika Općinskog vijeća Gračanica ("Službeni glasnik Općine Gračanica", broj: 6/14 i 07/18) Općinsko vijeće Gračanica, na sjednici održanoj 27.12.2018. godine, donosi

ODLUKU
o uspostavljanju mehanizma komunikacije
vijećnika i građana "Građanski sat"

Član 1.

Ovom Odlukom se uspostavlja mehanizam komunikacije vijećnika i građana, odnosno "Građanski sat" (u daljem tekstu Građanski sat), definiše se pojam, određuje način organizovanja i funkcionisanja, te utvrđuju obaveze vijećnika.

Član 2.

Građanski sat predstavlja mehanizam kojim građani neposredno komuniciraju s vijećnicima o pitanjima, inicijativama i lokalnim problemima, a vijećnici s druge strane upoznaju građane o dosadašnjim i trenutnim aktivnostima kao i planovima Općinskog vijeća.

Član 3.

Građanski sat se u pravilu održava svakog radnog petka u terminu od 14,0 do 16,0 sati uz mogućnost da se vijećnik i građanin mogu dogovoriti o drugom terminu ukoliko im odgovara. Mjesto održavanja Građanskog sata su u pravilu prostorije Općine Gračanica (u skladu s brojem građana), s tim da Predsjedavajući može odrediti i mjesto održavanja u nekoj od mjesnih zajednica radi lakše dostupnosti građanima.

Član 4.

Kolegij Općinskog vijeća izrađuje mjesečni Plan učešća vijećnika u Građanskom satu, a koordinaciju vijećnika i građana, termine i lokaciju održavanja Građanskog sata vrši Predsjedavajući.

Građani svoja pitanja, inicijative i primjedbe dostavljaju sekretaru Vijeća najkasnije tri dana prije održavanja građanskog sata, putem emaila, faksa, ili lično na propisanom obrascu koji je sastavni dio ove Odluke, o čemu sekretar obavještava Predsjedavajućeg vijeća.

Građani u svom zahtjevu pored teme mogu naznačiti i vijećnika s kojim mogu razgovarati.

Član 5.

Vijećnici su obavezni da se prema utvrdjenom rasporedu i satnici pojave na određenoj lokaciji, da budu dostupni građanima za konsultacije, da zapisnički evidentiraju postavljena pitanja i iznesene inicijative, upoznaju građane o dosadašnjim i trenutnim aktivnostima kao i

planovima Općinskog vijeća i po mogućnosti daju odgovore i tražena objašnjenja iz nadležnosti Općinskog vijeća.

Ako vijećnik nije u mogućnosti građaninu odmah dati tražene odgovore i informacije dužan je po to učiniti nakon pribavljanja istih.

Zapisnici o postavljenim pitanjima i inicijativama dostavljaju se Predsjedavajućem Općinskog vijeća koji sačinjava i dostavlja pisani izvještaj Općinskom vijeću.

Član 5.

Općinsko vijeće najmanje šestomjesečno uvrštava u dnevni red Izvještaj o komunikaciji vijećnika i građana putem "Građanskog sata".

Član 6.

Odluka stupa na snagu danom objavljivanja u "Službenom glasniku Općine Gračanica".

PREDSJEDAVAJUĆI
OPĆINSKOG VIJEĆA
Nihad Krajinović

Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

M.M.Bašeskije br.1.75 320 Gračanica, telefon 035-700-800, fax. 035-707-000, e.mail: info@opcina-gracanica.ba, www.opcina-gracanica.ba

Prezime (Ime oca) i ime: _____	
Kontakt adresa: _____	Datum podneska: _____._____._____.g.
JMBG:	Kontakt telefon: _____

ZA: OPĆINSKO VIJEĆE GRAČANICA

Na osnovu člana 4. stav 2. Odluke o uspostavljanju mehanizma komunikacije vijećnika i građana "Građanski sat" podnosim:

ZAHTJEV
za prijavu na „Građanski sat sa vijećnicima u Općinskom vijeću GRAČANICA“

Tema o kojoj želim razgovarati je:

2. Želim da na Građanskom satu budu prisutni vijećnici:

Datum: _____

**PODNOŠILAC
ZAHTJEVA**

(Ime i prezime)

Napomena: Građanin je obavezan popuniti stav pod brojem 1. Stav pod 2. nije obavezan, ali može ukoliko želi i ako želi razgovarati sa jednim ili više vijećnika, a ukoliko ne upiše imena Kolegij će odrediti vijećnika za taj građanski sat.